

Tsab ntawv Ceebtoom rau Niamtxiv txog sau nqi mus rau Medicaid txog kev pabcuam feem nojqab nyobzoo/mobnkeeg uas muaj nyob hauv tus menyuam kawm ntawv daim npaj txog kev kawm rau Qee Leej (IEP)

Nov yog tsab ntawv ceebtoom txog txoj cai koj muaj los ntawm Tsab Cai Tswj Txoj Kev Kawm Rau Qee Leej uas muaj kev nyuaj kawm tsis tau (IDEA) hais txog sau nqi mus rau Medicaid . IDEA tso lus rau sau nqi rau tejyam muab kev pabcuam nyob hauv daim IEP uas Medicaid kam them. Wisconsin Medicaid school-based services benefit yog ib qho ua rau tsev kawm ntawv tau txais nyiajtxiag los ntawm phab nomtswv nrab. Cov kev pab cuam xws li kev pab tu, kev pab los ntawm tus nasmaum saib xyuas txog phab mob nkeeg, pab txog ibce/testaw, soj xyuas txog phab siv tes ua hauj lwm, kev hais Suab thiab Lus, tsheb thauj menyuam feem tshwjkeeb, pabcuam txog phab kev xav/nyuaj siab, kev tham/ qhuab qhia, kev pab cuam lwm yam, thiab kev soj ntsuam txog kev loj hlob.

Yuav kom tsoomfww tsev kawm ntawv thov tau cov nyiaj no, yuav tsum tau ceebtoom rau koj, tus uas yog niamtxiv, txog tsab cai IDEA thiab txog qhov nqis tes no . tom qab xa tsab ntawv ceebtoom thiab ua ntej tsev kawm ntawv yuav sau nqi rau tej yam no, koj yuav tsum tau xee daim ntawv tso cai rau tsev kawm ntawv sau nqi mus rau Medicaid thiab pub qhia yam muaj tshwmsim txog koj tus menyuam. Tsab ntawv no tsis yog tsab tso cai rau tsev kawm ntawv sau nqi mus rau Medicaid, tom qab koj tau txais tsab ntawv ceebtoom no lawm koj mam li yuav tau txais tsab xee tso cai.

Cov cai teev tseg hauv qab no tau qhia rau niamtxiv hais txog sau nqi rau Medicaid raws txoj cai lij choj uas muaj nyob hauv IDEA:

- 1) Tsoomfww tsev kawm ntawv yuav tsum tau txais koj tsab ntawv tso cai ua ntej sau nqi mus rau Medicaid them rov tuaj txog yam muab kev pabcuam nyob hauv koj tus menyuam daim npaj kawm IEP. Qhov xee tso cai no tsuas tau xee ib zaug xwb, koj yuav tsis tau xee daim ntawv no txhua xyoo.
- 2) Daim ntawv tso cai no yuav tso cai rau tsoomfww tsev kawm ntawv xa koj tus menyuam cov ntaub ntawv teev txog kev kawm mus rau Wisconsin's Department of Health Services (DHS), uas yog qhov chaw lis dejnum hauv xeev saib xyuas Medicaid. Tsab ntawv tso cai yuav teev txog yam kev kawm thiab qhia tau rau DHS.
- 3) Txhua lub sijhawm koj txiav txim siab tsis xav kom tsoomfww tsev kawm ntawv qhia koj tus menyuam tej kev kawm rau DHS los yog sau nqi mus rau Medicaid txog koj tus menyuam qhov nqi , koj muaj cai thim qhov koj tso cai ces tsoomfww tsev kawm ntawv yuav tsis xa koj qhov nqi mus rau Medicaid.
- 4) Tsoomfww tsev kawm ntawv yuav tsum muab kev pab txhua yam hauv daim IEP yam tsis kom cov niamtxiv them nyiaj txawm hais tias tsev kawm ntawv ua tsis tau nqi mus rau Medicaid. Yuav tsis kom niamtxiv sau npe los yog yuav public insurance programs es thiaj li yuav tau txais cov kev pab no.
- 5) Raws li ib tug menyuam uas tsis muaj rab peevxwm los yog kawm poob qab, koj tus menyuam yeej yuav tsum tau txais kev kawm dawb kom tsim nyog (FAPE) thaum lub sijhawm kawm ntawv nyob rau hauv cov tsev kawm ntawv dawb tsis hais hom insurance twg. Tsoomfww tsev kawm ntawv yuav tsis quab yuam kom koj sau npe rau Medicaid es koj tus menyuam thiaj yuav tau txais kev kawm dawb kom tsim nyog (FAPE).
- 6) Tsoomfww tsev kawm ntawv yuav tsis quab yuam kom koj them koj feem los yog co-pay yog muaj nyob rau thaum lub sijhawm tsoomfww tsev kawm ntawv sau nqi mus rau Medicaid.
- 7) Sau nqi mus rau Medicaid :
 - a. Yuav tsis ua rau koj tus menyuam tsis tau txais los yog lub caijnyoog siv daim Medicaid luv dua,
 - b. Yuav tsis ua rau koj tau them tej yam uas tau txais kev pab sab nraud uas tsis yog hauv tsev kawm ntawv es tsim nyog Medicaid them,
 - c. Yuav tsis ua rau koj tus nqi insurance nce los yog ua rau koj tsis tau txais kev pab los yog insurance, thiab
 - d. Yuav tsis ua rau koj tus menyuam tsis tau txais kev pab hauv tsev los yog hauv zejzog , raws li tus nqi los ntawm koj tus menyuam tej kev mobnkeeg.

Xav kom cov tsev kawm ntawv siv Medicaid rau tej yam nqi rau cov menyuam kawm ntawv qhov no yuav tau txais nyiajtxiag los ntawm nomtswv nrab los rau xeev Wisconsin. Yog koj tseem tsis tau xee daim “Tso cai ua nqi mus rau Wisconsin Medicaid for Health-Related Special Education and Related Services” hauv tsev kawm ntawv yuav nrhiav koj thiab thov kom koj xee daim ntawv tso cai no es peb thiaj li yuav pib ua tau nqi mus rau Medicaid. Yog yav tag los koj twb xee ib daim lawm, daim no xa los rau koj raws li ib xyoos ib zaug txog txoj cai koj muaj raws li hauv IDEA thiab qhia rau koj hais tias ua nqi rau Medicaid sawv cev ntawm koj tus menyuam yuav tsis ua rau koj tau txais kev pab tsawg tshaj raws li koj muaj txoj cai txais kev pabcuam hauv khooskas Medicaid uas yog kev pab tawm sab nraud uas tsis yog hauv tsev kawm ntawv.